

## ЎЗБЕКИСТОН РЕСПУБЛИКАСИДА ТАҚИҚЛАНГАН ЭКИНЛАРНИ ЕТИШТИРГАНЛИК УЧУН ЖИНОЙ ЖАВОБГАРЛИК

Ғофуржонов Иброҳимжон Музробжон ўғли

Фарғона вилояти ИИБ Биринчи минтақавий худуд

Қува тумани ИИБ хузуридаги Тергов бўлинмаси суриштирувчиси

### АННОТАЦИЯ

Мазкур мақолада Ўзбекистон Республикасида етиширилиши тақиқланган экинлар, уларнинг қайси асос билан тақиқланганлиги, мазкур қилмиши учун белгиланган жиноной жазолар ўрганилди. Шунингдек, тақиқланган экинларни етишириши жиноятини квалификация қилиншиига боғлиқ айрим назарий ва амалий муаммолар ёритилган бўлиб, бу борада Ўзбекистон Республикаси жиноят қонунчилигини таомиллаштириши бўйича тегишли таклиф ва тавсиялар ишлаб чиқилган.

**Калит сўзлар:** Тақиқланган экинлар, кўкнор, мойли кўкнор, каннабис, маркибида гиёвандлик воситалари ёки психотрон моддалар бўлган экинлар, экиши, етишириши.

### ABSTRACT

In this article, the crops that are prohibited to be grown in the Republic of Uzbekistan, on what basis they are prohibited, and the criminal punishments established for this act were studied. Also, some theoretical and practical problems related to the qualification of the crime of cultivation of prohibited crops were highlighted, and in this regard, relevant proposals and recommendations were developed for improving the criminal legislation of the Republic of Uzbekistan.

**Keywords:** Illegal crops, poppy, oil poppy, hemp (cannabis), crops, plants, crops containing narcotic drugs or psychotropic substances

### АННОТАЦИЯ

В данной статье рассматриваются основания запрета выращивания культур, запрещенных к выращиванию в Республике Узбекистан, и меры уголовной ответственности за это деяние. Также затронуты некоторые теоретические и практические проблемы, связанные с квалификацией состава преступления выращивания незаконных культур, в связи с чем разработаны соответствующие предложения и рекомендации по совершенствованию уголовного законодательства Республики Узбекистан.

**Ключевые слова:** Запрещенные культуры, мак, мак масличный, конопля (каннабис), культуры, растения, выращивание, содержащее наркотические средства или психотропные вещества

Ўзбекистон Республикаси Жиноят кодексининг 270-моддасида тақиқланган экинларни, яъни қўкнор ёки мойли қўкнор, каннабис ўсимлиги ёхуд таркибида гиёвандлик воситалари ёки психотроп моддалар бўлган экинлар (*матнда тақиқланган экинлар деб юритилади*) ни қонунга хилоф равишда экиш ёки етишириш учунг жиноий жавобгарлик белгиланган. [1.]

Ўзбекистон Республикаси Вазирлар Маҳкамасининг 2018 йил 27 октябрдаги «Гиёвандлик воситалари, психотроп моддалар ва прекурсорларни Ўзбекистон Республикаси худудига олиб кириш, ундан олиб чиқиши ва транзит тарзида ўтказиш тартибини, шунингдек уларнинг муомалада бўлиши юзасидан назоратни такомиллаштириш тўғрисида» 2015 йил 12 ноябрдаги 330-сон қарорига ўзгартиришлар киритиш ҳақидаги 878-сонли қарори билан Ўзбекистон Республикасида муомаласи тақиқланган гиёвандлик воситалари рўйхати, Ўзбекистон Республикасида муомаласи чекланган гиёвандлик воситаларининг рўйхати, Ўзбекистон Республикасида муомаласи чекланган психотроп моддалар рўйхати ҳамда Ўзбекистон Республикасида айланмаси чекланган прекурсорлар рўйхати тасдиқланган. [2.]

Каннабис - нашанинг гашиш (гиёвандлик воситаси) олинадиган нави (жумладан, нашанинг Ҳиндистон, Жанубий Чўй, Краснодар ва бошқа турлари)га мунсуб экиндир. [3.]

Қўкнор - уруғидан ўсимлик мойи ва кўсагидан афюн (гиёвандлик воситаси) олиш учун етиширилайдиган экин. [4.]

Таркибида гиёвандлик воситалари ёки психотроп моддалар бўлган бошқа ўсимликларга кока бутаси (ундан кокайн олинади) ва таркибида гиёванд ёки психотроп моддалари бўлган бошқа экинларни киритиш мумкин.

Таъкиқланган экинларни етишириш деганда тегишли рухсатсиз ҳар қандай ер майдонида, шунингдек бўш ётган ерларда уруғни қадаш ёки ўстириш тушунилади. Жиноят ўсимлик униб чиқсан ёки чиқмаганлигига қатъий назар, экин экилган пайтдан бошлаб тугалланган хисобланади. [3.], [5.]

Таъкиқланган экинлар ёхуд шунга ўхшаш бўлган ўсимликлар етиштрилаётганлиги аниқланган ҳолларда ушбу ҳолат терговга қадар текширув органи томонидан рўйхатга олинади ва терговга қадар текширув ҳаракатларига киришилади. Дастрлаб, таъкиқланган экинлар ёхуд шунга ўхшаш бўлган ўсимликлар етиштрилаётган жой мутахассис (агроном) иштирокида кўздан

кечирилади. Кўздан кечириш Ўзбекистон Республикаси Жиноят процессуал кодексининг 135-141-моддаларига асосан ўтказилиб, баённома расмийлаштирилади. [6.] Кўздан кечириш баённомасига жалб қилинган мутахассис (агроном) тўғрисидаги маълумотлар ҳамда унинг етиштирилаётганлиги аниқланган ўсимлик(лар) юзасидан билдирган фикрлари киритиб ўтилади. Мутахассис (агроном) етиштирилаётганлиги аниқланган ўсимлик(лар)га агротехник ишловлар берилган ёки берилмаганлиги ҳақида ўз фикрларини маълум қилиб, ўсимлик(лар)нинг қанча майдонда етиштирилаётганлиги аниқлашда иштирок этади. Кейин эса кўздан кечирилган ўсимлик(лар) илдизлари билан юлиб олиниб, алоҳида пакетга солиб, муҳрланади. Алоҳида пакетда муҳрланган ҳолда бўлган ўсимликлар таркибида гиёҳванд моддалар бор ёки йўклиги, уларнинг гиёҳванд моддалар турига кириш ёки кирмаслигини аниқлаш учун судга оид кимёвий экспертизаси тайинланади.

Ўтказилган судга оид кимёвий экспертиза хулосасида аниқланган ўсимликнинг таркибида гиёҳванд моддалар борлиги ва унинг гиёҳванд моддалар турига кириши кўрсатилган тақдирда, мазкур ҳолат юзасидан Ўзбекистон Республикаси Жиноят кодексининг 270-моддаси билан жиноят иши кўзгатилиб, суриштирув (дастлабки тергов) ҳаракатларига киришиллади.

Суриштирув (дастлабки тергов) ҳаракатлари давомида етиштирилиши тақиқланган экинларни экиш ёки етиштириш келгусида гиёҳвандлик воситалари, уларнинг аналоглари, психотроп моддаларни ўтказиш мақсадини кўзлаб ёки кўзламай тайёрлаш, саклаш, ташиш, жўнатиш, шунингдек, ўтказиш (сотиш) билан боғлиқ бўлса, бундай ҳаракатлар Жиноят кодекси 270-моддаси ва Жиноят кодексининг бошқа моддаларида назарда тутилган жиноятлар мажмуи билан квалификация қилиниши керак. [3.]

Ўзбекистон Республикаси Жиноят кодексининг 17-моддасига асосан таъкиқланган экинларни етиштириш жиноятини содир этгунга қадар ўн олти ёшга тўлган, ақлирасо жисмоний шахслар жавобгарликка тортиладилар. [1.]

Мамлакатимизда тақиқланган экинларни етиштириш жиноятига оид қонун нормаларини такомиллаштириш хусусида М.Х.Рустамбаев [3] ўзининг илмий ишларида ёритиб ўтган.

Хорижий мамлакатларда тақиқланган экинларни етиштириш жиноятига оид изланишларни А.Х.Ибрагимова [8] ва И.Е.Пожидаев [9]лар олиб борган.

А.Х.Ибрагимова фикрига кўра, гиёҳванд моддаларни ўз ичига олган, етиштириш тақиқланган ўсимликларни ноқонуний етиштиришга қарши қурашибиши муаммоси Россия давлати, ҳуқуқни муҳофаза қилиш органлари ва бутун жамият учун замонамизнинг асосий муаммоларидан бирига айланиб

бормоқда. Қолаверса, ушбу турдаги жиноятларга қарши курашиш ҳуқуқни муҳофаза қилувчи органларнинг тор идоравий муаммоси эмас, балки узоқ вақт давомида ҳал этилиши керак бўлган умуммиллий муаммо эканлигини таъкидлаш лозим. Шу муносабат билан таркибида наркотик моддалар бўлган ўсимликларни ноқонуний етиштиришнинг олдини олиш ва олдини олиш бўйича чора-тадбирлар ишлаб чиқиш катта амалий аҳамиятга эга. Давлат гиёхвандлик таҳдиини холисона баҳолаши ва бу ижтимоий ҳодисага қарши курашишнинг турли шаклларини қўллаши керак. Гиёхванд моддаларни ўз ичига олган ўсимликларни ноқонуний етиштиришга қарши курашда муҳим ўринни қонуний воситалардан фойдаланган ҳолда маҳсус ва умумий профилактика қилиш керак. Бу сўнгги йилларда қабул қилинган жиноятчиликка қарши кураш бўйича федерал ва минтақавий мақсадли дастурларнинг диққат марказида. [7]

И.Е.Пожидаев фикрига кўра, таркибида гиёхвандлик воситалари ёки психотроп моддалар ёки уларнинг прекурсорлари бўлган ўсимликларни қонунга хилоф равища етиштиришга қарши самарали курашиш учун фақат жиноий жавобгарлик ва жазо чораларини қўллаш етарли эмас. [8]

Гиёхвандлик воситалари, уларнинг аналоглари ва психотроп моддалар билан қонунга хилоф равища мумомала қилишга оид жиноятлар аҳоли соғлиғига, жамиятнинг иқтисодий ва маънавий негизига жиддий таҳдид солади, оиласи муносабатларга салбий таъсир кўрсатади, бошқа ижтимоий муаммолар келтириб чиқаради. [9]

**Шу сабабли, тақиқланган экинларни етиштириш жиноятига оид қонун нормаларини такомиллаштириш мақсадида жиноят ҳуқуқи назариясидан келиб чиқсан ҳолда қўйидаги таклиф ва тавсиялар ишлаб чиқилди:**

1. Ўзбекистон Республикаси Маъмурий жавобгарлик тўғрисидаги кодексининг 106-моддасида кўрсатилган тасарруфида ер майдонлари бўлган шахслар томонидан ёввойи нашани йўқ қилиб юбориш чораларини кўрмаганлик ҳуқукбузарлиги бир йил давомида тақроран содир этилган ҳолларда, мазкур ҳуқукбузарлик ҳолатини Ўзбекистон Республикаси Жиноят кодексининг 270-моддаси билан квалификация қилиш лозим.

Мазкур таклиф берилишига мисол қилиб, Фаргона вилояти Қува тумани ИИБ ҳузуридаги Тергов бўлинмаси томонидан суриштирув ва дастлабки тергов ҳаракатлари олиб борилган 302181/2022-442-сонли, 302181/2023-8-сонли, 302181/2023-25-сонли ва бошқа бир нечта Ўзбекистон Республикаси Жиноят кодексининг 276-моддаси (*Гиёхвандлик воситалари, уларнинг аналоглари ёки*

психотроп моддаларни ўтказиши мақсадини кўзламай қонунга хилоф равишида тайёрлаш, эгаллаш, сақлаш ва бошқа ҳаракатлар) билан юритилган жиноят ишлари бўйича айбланувчилар ўз қўрсатувларида ўzlари томонидан сақлаб келинаётган гиёхвандлик воситаларини ариқ-зовур бўйларидан ёки бута-ўсимликлар орасида ёввойи ҳолда ўсиб ётган наша (каннабис) ўсимлигидан териб олганликларини маълум қилганлар. Юқорида келтириб ўтилган таклиф қонун нормаси сифатида киритилиши тасарруфида ер майдонлари бўлган шахслар томонидан ёввойи нашани йўқ қилиб юбориш чоралари доимий равишида кўриб борилишини, бу билан гиёхванд моддаларни сақлаш, ўтказиш, сотиш ва гиёхванд моддалар билан боғлиқ бошқа жиноятларнинг кескин камайишига ҳамда уларнинг олди олинишига сабаб бўлади.

**2. Ҳозирда Ўзбекистон Республикаси Жиноят кодексининг 270-моддаси** билан квалификация қилиниши мумкин бўлган терговга қадар текшириув ҳаракатлари давомида ҳодиса жойи кўздан кечирилиши ва ушбу тергов ҳаракатига мутахассис (агроном) жалб қилиниши амалиёти мавжуд. Ушбу жараёнга жалб қилинган мутахассис (агроном) ўсимликни кўздан кечириб, ушбу ўсимликга агротехник ишлов берилган ёки берилмаганлиги юзасидан маълумотнома тақдим этади ва кўздан кечириш баённомаси тўлдрилганидан сўнг, у билан танишиб, имзолайди. Ушбу ҳолатда мутахассис (агроном) ва гумонланувчи тариқасида ишга жалб қилиниши мумкин бўлган шахс ўртасида манфаат тўқнашуви юзага келган ҳолларда агротехник ишлов берилган ўсимликга мутахассис (агроном) томонидан ёлғондан ўсимликга агротехник ишлов берилмаганлиги ҳақида ёки шахсий адоват сабабли агротехник ишлов берилмаган ўсимликга мутахассис (агроном) томонидан ёлғондан ўсимликга агротехник ишлов берилганлиги ҳақида маълумотнома берилиши мумкин. Мазкур ҳолатни олдини олиш ҳамда жиноят содир этган шахсга нисбатан жазонинг муқаррарлигини таъминлаш мақсадида Республика Қишлоқ хўжалиги вазирлигининг такрибий тузилмаларида терговга қадар текшириув ҳаракатларига мутахассис (агроном) сифатида жалб қилинадиган ходимларини маҳсус ўқув курсларида ўқитиш ҳамда улар томонидан бериладиган “маълумотнома”ни “хулоса” кўринишида намунавий нусхасини тайёрлаб, ушбу хулосани тузган мутахассис (агроном)ни хулосанинг тўғри эканлигига жавобгарлигини белгилаш.

**Хулоса ўрнида** амалдаги Ўзбекистон Республикаси жиноят қонунларининг умумий жиноят назариясига асосланган ҳолатда тўғри тадбиқ этилиши, қонун чиқарувчи томонидан белгиланган нормаларнинг мазмун-моҳиятини тўғри англаниши Ўзбекистон Республикасида ягона суд амалиётини

жорий этилиши ҳамда ҳар бир шахснинг содир этган қилмиши учун инсонпарварлик тамойиллари асосида жазо тайинланишидаги ўрни бекиёс эканлигини алоҳида қайд этиб ўтиш лозим.

### ФОЙДАНАНИЛГАН АДАБИЁТЛАР РЎЙХАТИ (REFERENCES):

1. Ўзбекистон Республикаси Жиноят кодекси. Lex.uz.
2. Ўзбекистон Республикаси Вазирлар Маҳкамасининг 2018 йил 27 октябрдаги «Гиёҳвандлик воситалари, психотроп моддалар ва прекурсорларни Ўзбекистон Республикаси худудига олиб кириш, ундан олиб чиқиши ва транзит тарзида ўтказиш тартибини, шунингдек уларнинг муомалада бўлиши юзасидан назоратни такомиллаштириш тўғрисида» 2015 йил 12 ноябрдаги 330-сон қарорига ўзгаришишлар киритиш ҳақидаги 878-сонли қарори. Lex.uz.
3. М.Х. Рустамбаев Ўзбекистон Республикасининг Жиноят кодексига шарҳлар. Махсус қисм. – Тошкент: “Адолат”, 2016. 801-809-б.
4. Халима Отабоева Qomus.info Online ensiklopediya.
5. БМТнинг “Гиёҳвандлик воситалари ва психотроп моддаларни файриқонунуий равиша муюмалага киритишга қарши кураш тўғрисида”ги конвенцияси (*Вена, 1988 йил 20 декабрь, Ўзбекистон Республикаси мазкур Конвенцияга Ўзбекистон Республикаси Олий Мажлисининг 1995 йил 24 февралдаги 32-1-сонли қарорига мувофиқ қўшилган, Ўзбекистон Республикаси учун 1995 йил 22 ноябрдан кучга кирган*)
6. Ўзбекистон Республикаси Жиноят процессуал кодекси. Lex.uz.
7. Ибрагимова Аминат Хизбуллаевна. Незаконное культивирование запрещенных к возделыванию растений, содержащих наркотические вещества (По материалам Республики Дагестан) : Дис. ... канд. юрид. наук : 12.00.08 Махачкала, 2003. РГБ ОД, 61:04-12/632. Dslib.net
8. Пожидаев Илья Евгеньевич. кандидат наук. тема докторской и автореферата по ВАК РФ 12.00.08, проблемы уголовно-правового противодействия незаконному культивированию растений, содержащих наркотические средства или психотропные вещества либо их прекурсоры. <https://www.dissertcat.com>
9. Ўзбекистон Республикаси Олий суди Пленумининг 2017 йил 28 апрелдаги “Гиёҳвандлик воситалари, уларнинг аналоглари ва психотроп моддалар билан қонунга хилоф равиша муюмала қилишга оид жиноят ишлари бўйича суд амалиёти тўғрисида”ги 12-сонли қарори, 19-банд